



CENTRALE BANK VAN ARUBA

COMUNICADO DI PRENSA

Segun e Encuesta di Corupcion 2018, e problema di corupcion ta hopi comun na Aruba

Awe Banco Central di Aruba (BCA) ta publica su rapport CORRUPTION SURVEY 2018. E rapport aki ta presenta e resultadonan mas importante di e encuesta di corupcion ehecuta door di BCA na 2018, enfocando riba e percepcion di residentenan riba e situacion di corupcion, nan experiencia cu soborna den e 12 lunanan prome cu e encuesta, y nan opinion riba na mesun rol y riba medidanan pa combati corupcion.

Segun e resultadonan di e encuesta, residentenan tabata di opinion cu e problema di corupcion tabata hopi comun y creciente, pero nan tabata cla y dispuesto pa yuda den e lucha contra corupcion. Ademá, a percibi politiconan di ta e grupo den comunidad cu ta mas corrupto y cu e esfuerzo di gobierno pa combati corupcion no ta efectivo. Tambe e resultadonan ta muestra cu e grado di soborno na Aruba ta abao, esta cu poco persona cu tabata tin aceso na algun servicionan publico den e 12 luna prome cu e encuesta a paga soborno. Sinembargo, casi un di cada 4 persona encuesta tabata conoce un persona cu a paga soborno ora nan tabata tin aceso na algun servicionan publico. E riesgo pa cu soborno ta mas halto pa locual ta trata permiso y tereno erfpacht.

E rapport CORRUPTION SURVEY 2018 ta disponibel riba e website di BCA (www.cbaruba.org).

27 augustus 2019